

“БЕРУНИЙ ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ ЙИЛЛИК УМУМИЙ ЙИҒИЛИШИ 1-СОН БАЁННОМАСИ

Қорақалпоғистон Республикаси
Беруний тумани,
Кат кўчаси, рақамсиз-уй

2025 йил 26 июнь

Умумий йиғилишнинг ўтиш жойи: Қорақалпоғистон Республикаси, Беруний тумани, Кат кўчасида жойлашган “Беруний пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **09:00**

Акциядорларни рўйхатдан ўтказиш тугаган вақт: **09:55**

Акциядорлар умумий йиғилиш бошланган вақт: **10:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – 579 706.

“Беруний пахта тозалаш” АЖ акциядорларининг йиллик умумий йиғилиши (келгусида матн давомида - Йиғилиш) жамият бош директорининг 2025 йил 5 июндаги 43-сон таклиф хати инобатга олиниб, кузатув кенгаши томонидан 2025 йил 5 июнда қабул қилинган қарорга мувофиқ ўтказилмоқда.

Йиғилишда иштирок этиш ҳуқуқига эга акциядорлар реестри тузилган сана – 2025 йил 20 июнь.

Акциядорлар томонидан очик овоз бериш йўли билан бир овоздан йиғилиш раёсатига қуйидагилар сайланди:

1. Кунназаров Ерназар Уринбаевич – “Қорақалпоқпахтасаноат ҳудудий бирлашмаси” АЖ тугатиш комиссия раиси;
2. Махмудов Алишер – жамият ижроия органи раҳбари-бош директор;
3. Аллабергенов Алишер – жамият акциядори.

Йиғилиш раёсати аъзоси А.Махмудов малака ва тажрибага эга бўлган “Қорақалпоқпахтасаноат ҳудудий бирлашмаси” АЖ тугатиш комиссия раисини йиғилиш раиси этиб ва жамиятнинг акциядорлар билан корпоратив муносабатлар бўлими мутахассиси Тажимов Боҳрам Худаяровични йиғилиш котиби этиб сайлаш таклифини киритди.

Акциядорлар томонидан очик овоз бериш йўли билан бир овоздан йиғилиш раиси этиб Е.Кунназаров ва йиғилиш котиби этиб Б.Тажимов сайланди.

Йиғилишни, йиғилиш раиси Е.Кунназаров очди ва акциядорлар ҳамда йиғилиш қатнашчиларини қутлаб, йиғилиш қворуми бўйича ахборот бериш учун сўзни санок комиссияси аъзоси Б.Тажимовга берди.

Санок комиссияси ахбороти:

“Қимматли қоғозлар Марказий Депозитарийси” томонидан 2024 йил 20 июнь ҳолатига шакллантирилган “Беруний пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 1169 та акциядорга тегишли 579 706 дона акциялар қатнашиши мумкин. Акциядорларни рўйхатдан ўтказиш вақти тугаганда, умумий миқдорда 343 394 дона овоз берувчи акцияларга эга бўлган 9та акциядор (унинг вакили) рўйхатдан ўтди. Бу эса умумий овоз берувчи акцияларнинг 59,24 % ни ташкил этади ва йиғилиш ваколатли (қворумга эга) ҳисобланади.

Йиғилиш раиси Е.Кунназаров йиғилиш кун тартибини эълон қилди.

КУН ТАРТИБИ:

1. Умумий йиғилиш регламенти ва санок комиссияси таркибини тасдиқлаш.
2. Жамиятнинг 2024 йил якуни ва бизнес-режаси кўрсаткичларини бажарилиши бўйича жамият ижроия органи раҳбарининг ҳисоботини тасдиқлаш.
3. Жамиятнинг 2024 йил якуни бўйича йиллик бухгалтерия баланси ва молиявий натижаларини тасдиқлаш.
4. Жамият ташқи аудиторининг 2024 йил молия-хўжалик якуни бўйича ҳулосасини тасдиқлаш.
5. Жамият Кузатув кенгашининг 2024 йил якуни ҳисоботини тасдиқлаш.
6. Жамиятнинг 2024 йил якуни бўйича олинган соф фойдасини тақсимлаш.
7. Жамият ижроия органи раҳбари билан тузилган меҳнат шартномасининг муддатини узайтиришини кўриб чиқиш.
8. 2025 йил молия-хўжалик фаолияти якуни бўйича аудиторлик текширувини ўтказиш учун аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш.
9. Жамиятнинг 2025 йилга мўлжалланган бизнес-режасини тасдиқлаш.
10. Жамият кузатув кенгаши аъзоларига ўзгартириш киритиш.
11. Қонунчиликда белгиланган даъво муддати ўтган жамиятнинг дебитор ҳақдорликларни ҳисобдан чиқаришни кўриб чиқиш ҳамда бухгалтерия ҳужжатларига тегишли ёзувларни киритиш.
12. Ўзбекистон Республикаси Президентининг 2025 йил 21 апрелдаги “2025 йил учун хусусийлаштириш дастури” тўғрисидаги ПФ-70 сонли фармони ижросини куриб чиқиш.

Кун тартиби эълон қилинганидан сўнг, муҳокамага ўтилди.

Кун тартибидаги биринчи масала бўйича йиғилиш раиси Е.Кунназаров сўзга чикиб, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санок комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2025-йил 5-июндаги йиғилиш қарорига кўра санок комиссияси таркибига З.Реимов-жамиятнинг бош ҳисобчиси, Ф.Султанов-жамият юрист маслаҳатчиси, Б.Тажимов-жамият акциядорлар билан корпоратив муносабатлар бўйича мутахассис номзодлари киритилган.

Шунингдек кун тартибидаги масалалар бўйича маърузалар учун 7 дақиқагача, савол-жавоблар учун 7 дақиқагача, санок комиссияси ишига 7 дақиқагача вақт ажратган ҳолда умумий йиғилиш регламентини тасдиқлаш таклиф этилди.

Жамият акциядорлари умумий йиғилишининг санок комиссияси таклиф этилаётган таркибини ва йиғилиш регламентини тасдиқлаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“Ёқлаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги биринчи масала бўйича акциядорларнинг йиллик умумий йиғилиши **қарор қилади:**

1. Уч кишидан иборат қуйидаги таркибда санок комиссияси тасдиқлансин:

- 1) З.Реимов;**
- 2) Ф.Султанов;**
- 3) Б.Тажимов.**

2. Йиғилиш кун тартибидаги масалалар бўйича маърузалар учун 7 дақиқагача, савол-жавоблар учун 7 дақиқагача, санок комиссияси ишига 7 дақиқагача вақт ажратган ҳолда умумий йиғилиш регламенти тасдиқлансин.

Кун тартибидаги иккинчи масала бўйича жамият Бош директори А.Махмудов сўзга чиқиб, ижроия органи раҳбарининг 2024 йилдаги фаолияти бўйича кўрилаётган чора-тадбирлар тўғрисида ҳисобот берди (*ҳисобот илова қилинади*).

Бундан ташқари акциядорлар эътиборига жамиятнинг 2024 йил якуни бўйича бухгалтерия баланси ҳамда молиявий натижалари билан йиғилиш катнашчиларини таништирди (*жамият йиллик ҳисобот илова қилинади*).

Йиғилиш раиси Е.Кунназаров акциядорлардан жамият ижроия органи раҳбарининг 2024 йилдаги фаолияти ҳамда бизнес-режа кўрсаткичларини бажарилиши бўйича жамият Бош директорининг ҳисоботини ва 2024 йиллик ҳисоботини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Йиғилиш катнашчилари томонидан жамият бош директорининг 2024 йилдаги фаолияти бўйича ҳисоботи муҳокама қилиниб йўл қўйилган камчиликлар юзасидан бош директори А.Махмудовга тегишли топшириқлар берилди.

Йиғилиш раиси Е.Кунназаров акциядорлардан жамият ижроия органи раҳбари А.Махмудовнинг 2024 йилдаги фаолияти ва жамиятнинг 2024 йиллик ҳисоботини маъқуллаш бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги иккинчи масала бўйича акциядорларнинг йиллик умумий йиғилиши **қарор қилади:**

1. Жамият ижроия органи раҳбарининг 2024 йилдаги фаолияти қониқарли деб топилсин ва ҳисоботи маълумот учун қабул қилинсин.

2. Жамиятнинг 2024 йил ҳисоботи қониқарли деб топилсин маълумот учун қабул қилинсин.

Кун тартибидаги учинчи масала бўйича жамиятнинг молиявий масалалар бўйича директори-бош ҳисобчиси З.Реимов 2024 йил якуни бўйича йиллик бухгалтерия баланси ва молиявий натижалари бўйича ҳисоботи билан йиғилиш катнашчиларини таништирди (*жамият йиллик баланси ва молиявий натижалари илова қилинади*).

Йиғилиш раиси Е.Кунназаров акциядорлардан 2024 йил якуни бўйича йиллик бухгалтерия баланси ва молиявий натижалари бўйича ҳисоботини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Муҳокамадан кейин, кун тартибидаги бешинчи масала овозга қўйилди.

Ушбу масала юзасидан овоз бериш натижалари:

“Ёқлаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги учинчи масала бўйича жамият иштирокчиларининг умумий йиғилиши **қарор қилади:**

1. Жамиятнинг 2024 йил якуни бўйича йиллик бухгалтерия баланси ва молиявий натижалари тасдиқлансин.

Кун тартибидаги тўртинчи масала бўйича жамиятнинг молиявий масалалар бўйича директори-бош ҳисобчиси З.Реимов “NAZORAT AUDIT” МЧЖ аудиторлик ташкилоти томонидан жамиятнинг 2024 йил молия-хўжалик фаолияти якуни бўйича 2025 йил 01 апрелдаги аудиторлик текшируви хулосаси билан йиғилиш иштирокчиларини таништирди.

“NAZORAT AUDIT” МЧЖ аудиторлик ташкилотларининг хулосаларида жамиятнинг 2024 йил 31 декабр ҳолатидаги молиявий ҳисоботи барча муҳимлилик жиҳатлари бўйича унинг молиявий ҳолатини ва молиявий-хўжалик фаолияти натижаларини ҳаққоний акс эттиради.

Йиғилиш раиси Е.Кунназаров акциядорлардан 2024 йил молия-хўжалик фаолияти якуни бўйича “NAZORAT AUDIT” МЧЖ аудиторлик ташкилотининг 2025 йил 01 апрелдаги аудиторлик текшируви хулосаларини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги тўртинчи масала бўйича акциядорларнинг йиллик умумий йиғилиши **қарор қилади:**

1. “NAZORAT AUDIT” МЧЖ аудиторлик ташкилотининг 2025 йил 2025 йил 01 апрелдаги аудиторлик текшируви хулосалари тасдиқлансин.

Кун тартибидаги бешинчи масала бўйича йиғилиш раиси Е.Кунназаров йиғилиш катнашчиларига кузатув кенгашининг 2024 йилдаги фаолияти бўйича ҳисоботини ўқиб эшиттирди (*ҳисобот илова қилинади*).

Ҳисоботда асосан кузатув кенгаши томонидан ўтказилган йиғилишлар ва йиғилишларда қабул қилинган қарорлар ўз аксини топган.

Йиғилиш раиси Е.Кунназаров акциядорлардан жамият кузатув кенгашининг 2024 йилдаги фаолияти бўйича ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги бешинчи масала бўйича акциядорларнинг йиллик умумий йиғилиши **қарор қилади:**

1. Жамият кузатув кенгашининг 2024 йилдаги фаолияти бўйича ҳисоботи маълумот учун қабул қилинсин.

Кун тартибидаги олтинчи масала бўйича йиғилиш раиси Е.Кунназаров сўзни жамиятнинг бош директори А.Махмудовга берди.

А.Махмудов йиғилиш иштирокчиларини кун тартибидаги масала бўйича ижроия органининг ва жамият кузатув кенгашининг таклифи билан таништирди.

Бугунги кунда жамиятнинг устав фонди 2 419 270 600 сўмни ташкил этади.

Жамият Уставига асосан жамиятнинг захира фонди жамият устав капиталининг 15 фоизи – 372 493 200 сўм миқдорида тузилади ва 2025 йил 1-январь ҳолатига захира фонди тўлиқ шаклланган.

Жамиятнинг 2024 йил якуни бўйича олинган 386 297 798 сўм соф фойдасини қуйидаги тартибда тақсимлаш тавсия этилади. Шундан:

- соф фойданинг – 300 297 798 сўмни 2024 йил якуни бўйича акциядорларга дивидент тўлаш учун йўналтиришга;

- соф фойдадан – 86 000 000 сўм жамиятнинг ижроия органи ва кузатув кенгаши аъзоларини рағбатлантиришга йўналтирилишига тавсия берилган.

Муҳокамадан сўнг йиғилиш раиси Е.Кунназаров акциядорлардан кун тартибидаги масала бўйича берилган таклифга ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёклаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги олтинчи масала бўйича акциядорларнинг йиллик умумий йиғилиши қарор қилади:

1. Жамиятнинг 2024 йил якуни бўйича олинган 386 297 798 сўм соф фойдаси қуйидаги тартибда тақсимласин, шундан:

- соф фойданинг – 300 297 798 сўмни 2024 йил якуни бўйича акциядорларга дивидент тўлаш учун йўналтирилсин (*ҳар бир дона акцияга 508,92 сўмдан дивидент солиғи билан*);

- соф фойданинг - 86 000 000 сўмни жамиятнинг ижроия органи ва кузатув кенгаши аъзоларини рағбатлантиришга йўналтирилсин;

2. Дивидендлар мазкур йиғилиш қарори қабул қилинган кундан эътиборан олтмиш кун ичида тўлансин.

- дивидендларни тўлашни бошлаш санаси: 26 июнь 2025 йил.

- дивидендларни тўлашни тугатиш санаси: 26 август 2025 йил.

3. Дивидендлар белгиланган тартибда ва юқорида кўрсатилган муддатларда акциядорларнинг банкдаги ҳисоб рақамларига пул маблағларини ўтказиш йўли орқали амалга оширилсин.

Кун тартибидаги еттинчи масала бўйича йиғилиш раиси Е.Кунназаров сўзга чиқиб, жамиятнинг 2024 йил 26-июндаги умумий йиғилиши қарорига асосан жамият Бош директори этиб Махмудов Алишер билан тузилган меҳнат шартномасининг муддати жамият акциядорларининг 2024 йил ўтказиладиган навбатдаги (йиллик) умумий йиғилишига узайтирилганлигини айтиб ўтди. Махмудов Алишер жамиятда кўп йиллардан буён ишлаб келаётганлиги, бошқарув органлари томонидан қўйилган вазифаларни бажариб келаётганлигини инобатга олиб, Махмудов Алишер билан тузилган меҳнат шартномасини акциядорларининг навбатдаги (йиллик) умумий йиғилишига муддатини узайтириш таклифини киритди.

Муҳокамадан кейин, кун тартибидаги бешинчи масала овозга қўйилди.

Ушбу масала юзасидан овоз бериш натижалари:

“Ёклаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги еттинчи масала бўйича жамият иштирокчиларининг умумий йиғилиши қарор қилади:

1. Жамият Бош директори Махмудов Алишер билан тузилган меҳнат шартномасининг муддати жамият акциядорларининг 2025 йил якуни бўйича ўтказиладиган навбатдаги умумий йиғилишигача узайтирилсин.

2. Жамият номидан Бош директор Махмудов Алишер билан меҳнат шартномасини (шартномани амал қилиш муддати 2025 йил якуни бўйича ўтказиладиган жамият акциядорларининг йиллик умумий йиғилишигача) имзолаш ваколати Кузатув кенгаши раисига берилсин.

3. Жамият Бош директори А.Махмудовга:

- ўз вазифаларини бажариш даврида барча бирламчи ва банк ҳужжатларига биринчи имзо қўйиш ҳамда жамият Уставида белгиланган ваколат ва мажбуриятлардан қонун доирасида фойдаланиш ҳуқуқи берилсин;

-“Ўзпахтасаноат” АЖ тугатиш Лойиҳа офиси ҳамда “Қорақалпоқпахтасаноат” ҚАБ томонидан бажарилиши белгиланган буйруқ ва топшириқларни ўз вақтида амалга ошириш вазифаси юклатилсин.

Кун тартибидаги саккизинчи масала бўйича жамиятнинг бош директори А.Махмудов сўзга чиқиб, жамиятда 2025 йил якуни бўйича аудиторлик текширувини ўтказиш учун аудиторлик ташкилотларидан жамиятга келиб тушган қуйидаги тижорат таклифлари билан йиғилиш қатнашчиларини таништирди:

/р	Аудиторлик ташкилотининг номи	Мурожаат санаси ва рақами	Миллий ва Халқаро аудит стандартларга мувофиқ аудиторлик текшируви, минг сўмда
1	“GREAT FOURS” МЧЖ	21.04.2025й №39/2	5 000,0
2	“NAZORAT-AUDIT” МЧЖ	16.06.2025 № 62/25	4 0000.0
3	“XB FINANS KONSULTING” МЧЖ	16.06.2025 № 57/25	10 000,0
4	“ZAMIN OIL-AUDIT” МЧЖ	25.05.2025й №44	7 000,0

Муҳокама давомида жамият акциядорлари жамиятга келиб тушган тижорат таклифларни инобатга олган ҳолда, ташқи аудиторлик текширувини ўтказиш учун аудиторлик ташкилотлари орасидан малакали мутахассисларга ҳамда энг қулай нархларга эга бўлган аудиторлик ташкилотини танлаш зарурлигини билдирди.

Бундан сўнг, йиғилиш раиси Е.Кунназаров акциядорлардан 2024 йил якуни бўйича аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш масаласи бўйича ўз муносабатларини бюллетен орқали овоз беришларини сўради.

Ушбу масала юзасидан овоз бериш натижалари:

“Ёқлаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги саккизинчи масала бўйича акциядорларнинг йиллик умумий йиғилиши **қарор қилади:**

1. 2025 йил якуни бўйича аудиторлик текширувини ўтказиш учун “NAZORAT-AUDIT” МЧЖ аудиторлик ташкилоти танлансин ва унинг хизматларига тўланадиган ҳақнинг миқдори – 4 000,0 минг сўм деб белгилансин;

2. Жамият ижроия органи раҳбарига:

-юқорида кўрсатилган аудиторлик ташкилотлари билан белгиланган тартибда шартномаларни тузсин;

-қонунчиликда белгиланган муддатларда жамият акциядорларнинг умумий йиғилиши ва кузатув кенгашига аудиторлик текшируви натижалари бўйича ҳисобот ва хулосаларни киритсин.

Кун тартибидаги тўққизинчи масала бўйича жамиятнинг молиявий масалалар бўйича директори А.Махмудовга сўз берилди ва у йиғилиш иштирокчилари эътиборига жамиятнинг 2025 йил учун мўлжалланган бизнес-режаси билан йиғилиш қатнашчиларини таништирди (*бизнес-режа илова қилинади*).

Йиғилиш раиси Е.Кунназаров акциядорлардан жамиятнинг 2024 йил учун мўлжалланган бизнес-режани тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

Ушбу масала юзасидан овоз бериш натижалари:

“Ёқлаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги тўққизинчи масала бўйича акциядорларнинг йиллик умумий йиғилиши **қарор қилади:**

1. Жамиятнинг 2025 йил учун мўлжалланган бизнес-режасини тасдиқлаш масаласи бўйича қоникарли деб топилсин ва ҳисоботи маълумот учун қабул қилинсин.

Кун тартибидаги ўнинчи масала бўйича йиғилиш раиси Е.Кунназаров сўз олди. “Акциядорлик жамияти ва акциядорларнинг ҳуқуқларини ҳимоя қилиш тўғрисидаги” Қонунининг 76-моддасига асосан жамият кузатув кенгаши аъзолари жамият акциядорларининг умумий йиғилиш қарорига асосан уч йил муддатга сайланганлигини маълум қилди. Жамият кузатув кенгаши аъзоси Санетуллаев Айбек Есбосинович бошқа ишга ўтганлиги муносабати билан кузатув кенгаши аъзолигига “Қорақалпоқпахтасаноат” ҚАБ тугатиш комиссияси раҳбари Кунназаров Ерناзар Уринбаевич номзодини белгиланган тартибда кузатув кенгаши аъзолигига киритиш учун таклиф берилган.

Муҳокамадан сўнг йиғилиш раиси Е.Кунназаров акциядорларга кун тартибидаги мазкур масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёқлаганлар” – 343 394та овоз;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги ўнинчи масала бўйича акциядорларнинг йиллик умумий йиғилиши **қарор қилади:**

1. Жамият кузатув кенгаши аъзоларига ўзгартириш киритилсин. Жамият кузатув кенгаши аъзоси Санетуллаев Айбек Есбосинович ўрнига “Қорақалпоқпахтасаноат” ХАБ тугатиш комиссияси раҳбари Кунназаров Ерназар Уринбаевич кузатув кенгаши аъзолигига сайлансин.

Кун тартибидаги ўн биринчи масала бўйича йиғилиш раиси Е.Кунназаров сўзни жамият ижроия органи раҳбари - бош директори А.Махмудовга берди.

А.Махмудов сўзга чиқиб, жамиятнинг дебиторлик қарздорликлари тахлилини ўтказиш мақсадида Бош директор бошчилигида ишчи-гуруҳи тузилганлиги ва мазкур ишчи-гуруҳининг хулосасига асосан 2024 йил 01 июнь ҳолатига қонунчиликда белгиланган даъво муддати ўтган жамиятнинг 35 134 000 сўм дебитор қарздорлиги мавжудлиги ҳақида маълумот берди (хулоса илова қилинади).

Муҳокамадан сўнг йиғилиш раиси Е.Кунназаров акциядорларга кун тартибидаги мазкур масала бўйича ўз муносабатларини бюллетенда овоз бериш орқали билдиришни таклиф этди.

Ушбу масала юзасидан овоз бериш натижалари:

“Ёклаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги ўн биринчи масала бўйича акциядорларнинг йиллик умумий йиғилиши қарор қилади:

1. Жамиятнинг қонунчиликда белгиланган даъво муддати ўтган 35 134 000 сўм дебитор қарздорлиги рўйхатга мувофиқ ҳисобдан чиқарилсин ҳамда бухгалтерия ҳужжатларига тегишли ёзувлар киритилсин.

2. Жамият ижроия органи раҳбарига:

- жамиятнинг дебиторлик ва кредиторлик қарзларининг ошиб кетишига йўл қўймаслик бўйича тегишли чораларни кўриш;

- барча турдаги харажатлар қисқартирилишига эришиш юклатилсин.

Кун тартибидаги ўн иккинчи масала бўйича йиғилиш раиси Е.Кунназаров сўзни жамият ижроия органи раҳбари А.Махмудовга берди.

А.Махмудов ўз сўзида Ўзбекистон Республикаси Президентининг 2020-йил 6-мартдаги ПҚ-4633-сонли “Пахтачилик соҳасида бозор тамойилларини кенг жорий этиш чора-тадбирлари тўғрисида”ги қарори ижросини жадаллаштириш ҳамда Ўзбекистон Республикаси Президентининг 2025-йил 21- апрелдаги “2025 йил учун хусусийлаштириш дастури” тўғрисидаги ПФ -70 сонли фармони билан таништирди.

Ўзбекистон Республикаси Президентининг 2025 йил 21 апрелдаги “2025 йил учун хусусийлаштириш дастури” тўғрисидаги ПФ -70 сонли фармони 6 бўлим (в) бандига асосан тугатилаётган “Ўзпахтасаноат” АЖ ва унинг таркибидаги корхоналар активлари уч ой давомида сотилмаган тақдирда, уларнинг бошланғич қиймати баҳоси 50 фоизгача босқичма-босқич 10 фоиздан пасайтирилган ҳолда сотиб олиш тўловларини уч йилгача бўлиб-бўлиб тўлаш шарти билан савдоларга чиқарилиши кўрсатиб ўтилган.

Муҳокамадан сўнг, йиғилишда йиғилиш раиси Е.Кунназаров акциядорлардан мазкур масала бўйича ўз муносабатларини бюллетенда овоз бериш орқали билдиришлари сўради.

Ушбу масала юзасидан овоз бериш натижалари:

“Ёклаганлар” – 343 394та овоз билан 100%;

“Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибдаги ўн биринчи масала бўйича акциядорларнинг йиллик умумий йиғилиши **қарор қилади:**

1. Ўзбекистон Республикаси Президентининг 2025 йил 21 апрелдаги “2025 йил учун хусусийлаштириш дастури” тўғрисидаги ПФ -70 сонли фармони маълумот ва ижро учун қабул қилинсин.

2. Ўзбекистон Республикаси Президентининг 2025 йил 21 апрелдаги “2025 йил учун хусусийлаштириш дастури” тўғрисидаги ПФ-70 сонли фармони 6 бўлим (в) бандига асосан тугатилаётган “Ўзпахтасаноат” АЖ ва унинг таркибдаги корхоналар активлари уч ой давомида сотилмаган тақдирда, уларнинг бошланғич қиймати баҳоси 50 фоизгача босқичма-босқич 10 фоиздан пасайтирилган ҳолда сотиб олиш тўловларини уч йилгача бўлиб бўлиб тўлаш шарти билан савдоларга савдоларга чиқарилсин.

Акциядорларнинг йиллик умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи Е.Кунназаров акциядорларга уларнинг иштироки учун миннатдорчилик билдириб, йиғилишни ёпик деб эълон қилди.

Йиғилиш раиси:

Йиғилиш котиби:



Е.Кунназаров

Б.Тажимов.

Йиғилиш баённомаси 2025 йил июль кuni икки нусхада тузилди.